

18-213 1141/25

千島聞見錄



岡本監輔



國後島。在根室之東北。周回一百六十里。山川清秀。物類殷繁。北麓茶嶽。屹立參天。樹木蔥鬱。絕嶺積雪皚然。迤東一港。曰船谷。東北巖巖斗出海中。宜泊小舟。為擇捉津口。西岸。曰片岡。南與右岬低而長。左岬稍高而短。峭壁綿亘。宜防北風。

椎子谷島。在根室之東。圍四十里。林岡綺錯。芳叢掩映。景象冠于千島。東北鷓鴣潭灣。為貨船聚泊之所。鷓鴣潭山。環於

東南望若列屏。有土人五十餘口。明治十七年。自卜栖遷至。言語風俗。悉蝦夷也。性情溫藹。可親。

擇捉島。在國後東北。長八十里。廣自十里至三里。郡峯競秀。斷續隱現。跡狹。單寇散粒。諸山尤聳峭。西北岸地形支分。如人臂股。其間溪流。多灣曲。曰種萌。為國後津口。曰苗穗。曰老門。曰舊戶津。曰得戶津。曰蟻萌。曰椎梁。曰苗香。曰戶津。曰樣肖戶。曰藥取。曰卷夜舞。皆有土人住焉。其中樣肖戶。尤稱良港。東南崗巒錯雜。峭壁懸崖。往往不通人跡。南有一港。曰單冠。港頭有一湖。圍可三里。得粒島。在擇捉之北東五里。長四十八里。廣五六里。或二三

里。東南有一岬。曰櫛野津。南曰延野津。西南曰磐余野。其北曰湯立。其北曰布帆。北岬曰戕執神。東北曰枝樋鞆。其間峰巒綿亘。蜿蜒。往往積雪。經夏不消。南北兩岸。地勢下垂。平坦可二里。東南沿岸。率係沙石。間有絕崖峭壁。西北巔巖嶮峻。其上多石楠躑躅。其下。林莽蕪穢。錯雜。西岸有一湖。曰遠子谷。圍可二里。多鮭鱒。南岸有一港。曰小舟。可方四五町。港口向東南。西有大巖。如古墳。舟入港。望如古墳。于五町外。巖西有暗礁。云。東北有鐘灣。口向西北。灣東岬外。巨巖屹立。高五六丈。灣西亦有二巨巖。駢立。高可二丈。如雌雄象飲海也。其西可二町。有暗礁。被昆布。廣可二町。碍舟行。海有黑菜。裙帶

菜。鹿角菜。石花菜。陸多欵冬。莖長尺餘。有鷄兒腸。莖葉皆耐食。更有龍葵。蕁麻。麥葱。百合。蕎麥。葉具母貝。母貝可以製火酒。多車前草。木則有水松。甚堅韌。可以造弓。赤楊亦頗堅緻。可造舟楫諸器。其長六尺餘。被覆丘岡。魚有紅鱒。遠洋有大口魚。獸則海狸。海驢。海豹。頗多。陸有狐兔。蟲多蚋子。東北附近小島羅布。多諸鳥。

散蠅島。在得粒之北東四里半。二島毘連。其南島自海岸壁立高峻。至北漸低。東西三里半。南北可二里。全地焦燒。中央山嶺。常吐烟焰。僅有點滴一處。無樹木。周圍絕壁。鳥巢于巖窟。南岸有海狸育兒之處。又多海驢。北島存古昔噴火之跡。

乾燥磽瘠。自遠望之。怪巖礧礧。或臥或立。自南至北。長約五里。廣可二里。北方有噴烟三處。無樹木。有小港。深自四五尋。至十尋餘。沿岸產海驢海豹。南北二島之間。凡一里半。潮流激烈。西方五里弱。有一島。曰幌富。東西二里。南北一里半。四周絕壁。不見樹木。琉黃被山。海岸便碇泊。多石。多海獸。篠後島。在散蠅之北東十八里。長三十里。廣自七里至三里。島之兩端。及中央有高山。其間凹凸參差。似怒濤。南界有大岬。曰魯連。北界曰荒生手。南西山腹。常發煙氣。其他山麓。有樹矮小。多樺及赤楊。長五六尺。枝葉四垂。五鬚松交錯其間。山巔多石楠躑躅。如得粒島。海岸絕壁。諸鳥海驢群聚焉。間

產海狸。嘗有土人捕海狸。候其臥岩礁。乘夜陰施網于海菜之間。及曉捕獲之。剝皮貼樟腦。貯積中云。海菜海丹。富於得粒。陸有狐。多野鼠。北有一港。成凹字形。曰凝遠。東西可二里。南北自二里。至十町。深二百五十尺。至二十尺。周圍巖壁立。如屏障。碇泊極稱安穩。水陸皆操形勢。爲北境之管鑰。迤南谷野綿亘。適耕牧。西岬曰日本岬。港口向北。廣二町。深一丈餘。海底巨石布列。多昆布。梗短艇。港內出青魚云。港頭有清泉沸涌而出。可方四間。東有一山。曰遠籠。東南曰遠床。後露人嘗住焉。取漂木于西岸造室。其迹尙存焉。

毛樋島。在篠後之北。東七里。自南至北。約七里半。廣四五里。

高峯自西而東。漸低。多草篠。樺橙園可二三尺。多百合。多狐。中央山脉高大。樹木矮小。水從雪消而涸。海岸巖石屏圍。而多灣曲。絕壁高及數丈。海驢諸鳥群聚焉。間有海狸海豹。海底多石且深。潮汐箭激。南岸一處稍宜碇泊。西北有一河。曰緒足戶津。河中無魚。

大人後島。在毛樋之北。東五里強。南北二島。間隔四五町。每潮落。現一路。可徒涉。其傍深自七八尋。至十二尋。海底多沙。可以碇繫焉。其南島自南西而北。東二里強。廣一里半。南岸高峯突出數十丈。山麓有水甚少。野草繁滋。無樹木。東南有一湖。成圓形。圍可十五町。口注海者二。四周山嶽。港中有二

小島現存噴火之痕。港東火槩迸流有聲。含琉黃氣。港口暗礁危險。不可行舟。島之東西兩岸。間宜碇繫。露艦所嘗泊也。岸邊多鴨。冠諸島。往往巢于巖間。有人立巖上。撒小網。一舉可獲數十羽。步地望有孔穴。知其構巢育兒。伸手捕之。每一母有三子。剝毛爲服。每四十羽可製一裘。乾肉收貯。以供食料。又多海驢。群聚岸上。北島東西可二里強。廣不能一里。高邱無樹林。多鴈產卵。北方附近有一小島。其西一處泊小舟。頗安穩。二島沿海出海狸最多。以其磯石便棲息也。磨戶庭島。在夫人後之北東二里餘。小嶼羅列。其間多海狗。海狸。出海驢尤夥。

樂相島。在磨戶庭之北東二里半。自西南而東北。約六里。廣稱之地多樹草。又有赤黑二狐。尤多黑狐。北岸一峯突起。至南漸低。曰事枝藥。東岸有噴火二處。峰巒積雪。經夏不消。山麓樹木矮小。中央有茶茶嶽。常吐烟焰。多琉黃。南有譽登山。山下樹木茂生。樺圍至合抱。其西海中有兩大巖。曰折肱間。南北兩岸。間多海驢。東岸絕壁有鳥群聚。河曰血荒洲。廣可一尋。曰江原子落。廣至二尋。並有嘉魚。其北曰音血冬。一處多蕁麻。剝其皮。可以製糸修網。股苧島。在樂相之北東七里半。自南而北。長七里。廣五六里。高聳雲外。髣髴富士山。曰眞崎。絕頂四時噴煙。硫黃露出半

腹至南漸低。島多樹木。而矮小。率多檉樹。野草繁茂。有赤狐及海驢。海狸。海豹。海豹不甚多。有一小河。曰經洲帆。清潔可飲。河傍平原。迤東距岸四五町。有一島。圍可二里半。丘谷圓亘。多鴈及花魁鳥。群聚構巢。兩島相距之間。深自十二尋。至十八尋。海底多石。而礙擊無不安穩矣。北岸曰昆布萌。其洋中有數小石嶼。多昆布。冬間有海狸來住。

雷國島。在股苧之北西二里半。東西四里。南北三里。圍島皆山。山谷險惡。絕頂噴烟不息。中有大洞。地質瘠薄。無樹木。唯生草茅。多鷗及海狗。西岸有海狸。海驢。海驢稱千島第一。海底淵深。巨巖森列。潮流猛激。

藻後島。一曰灰富足。在雷國之北東十里強。四島崛起。一曰子谷藻後。一曰散藻後。一曰戶音藻後。一忘其名。丘陵低平。無樹木。唯有草芊芊。子谷島。嘗有土人住云。散者土語。鴨也。戶音者。海驢也。南界多海驢。海狗。北有海豹。海底巖石。海草繁衍。

勢至子谷島。在藻後之北東五里。自南而北。約十四里。廣自七里。至四里。島之兩涯。山嶽參差牙錯。山多樹木。而矮小。有赤狐及海驢。海狸。海岸平土。多溫泉。山之半腹。亦有焉。多小河。適飲料。西岸有噴火二山。南曰子留垂。北曰枝線菱。有五鬚松。甚矮小。二山之間。丘陵高十餘丈。樹林穢雜。草蓀鋪地。

迤北大巖森羅。而中央灣港。纖沙平布。宜泊小舟。海岸數處。熱泉沸騰。其熱自八十度。至一百五十度。北西與枝枯間。散子谷相嚮。可以避風浪。有海鳥羣飛。魚蝦之多可知也。嘗有土人搆廬。遭地震。不遺一椽。枝縹菱之東。有曠野津。多海狸。西岸曰肉戶。負山西曰萌洲門。西南曰折穗萌。折穗萌亦多海狸。闔島海底多石。沿岸間有沙地。散生子谷島。在勢至子谷之正西七里半。南北約三里。東西可一里半。斷崖峭立如削。西有噴煙二處。環境皆巖石。絕少樹木。無水泉。多鴨及海驢。間有海狸海豹。海底深而多石。枝枯間島。在勢至子谷之北西二里。長廣各四里。峯巒重複。

聳空。有樹木不甚多。水性透明。有土人居住之跡。四面斷崖多諸鳥海驢。海底如勢至子谷。春生子谷島。在勢至子谷之北東八里。東西約十里。南北可六里。峯勢連亘高聳。嘗經噴火。往往疏林相望。有香扁留。經通門兩湖。並不產魚。經通門湖旁。平原多草暢茂。地多百合。其花赤者白者黑者。盡具焉。春者土語百合也。又多樹木。海多海豹大口魚。大根子谷島。在春生子谷之北東四里半。南北二十四里。廣自十五里。至六里。南東有大岬。曰蟻寢摺。地多百合。多諸色狐。及鷹。鵬。攢峯疊嶂。憔悴屹立。中央脊起高峻。半腹而上。禿

無草木。麓有林木陰翳。沿岸平夷。野草絛芊。迤南有大山。曰
母後。峭壁參天。嶺上常噴白煙。海岸多海驢海豹。間有海狸。
其西南地形如弓曲。爲一大灣。西岸一帶赤土丹石。混合而
成。岡陵斷續。其北有一山曰墓後。山西一河曰千家譽。廣七
八間。深五六尺。多鮐及鱒。其北曰網後。目垂。此島北界。有六
小灣。皆甚淺。千家譽在第五灣內。沂河二十餘町。廣可四間。
西崖絕壁如削。有時風自壁上突至。掀舟頗危險。凡船泊千
島高山之下者。動有此患云。第六灣距岸十町。深至十尋。島
之沿岸多海草。如篠後郡海底多沙。碇泊之地。自七尋至十
二尋。東北大巖多海驢。

青摺島在大根子谷之西九里。小島列峙。如立錐。自遠望之。
如布帆奔馳者。呼曰帆懸島。土人曰蠅子。諸島海驢成群。間
有海狸。

罷大人島在青摺之北東二里半。東西約七里餘。南北可五
里。重巒峨峨。多樹木。東方稍有平地。林莽間雜。水與雪消而
涸。有海狸海豹諸鳥。西方有高大巖。曰灰後木。多海驢。
幌藻後島在大根子谷之北東十里強。自西南而北東。長約
六十里。廣自十八里至二十里。起伏凸凹。如波濤。南東有一
岬。曰黑經芹。南西曰縫前。西南曰香張。西北曰編撫。北西曰
椎副。北東曰飯取枝。東南曰椎瀨塚。其南曰種櫛。西岸並列

火峯。南曰尻谷シヤク。後北曰血止關チキシキ。高峻三千尺。如富士山。而最尖聳。冰雪凝積。終年不消。往往崩墜。露骨。其色暗黑。血止關尤高峻。嘗經噴火。而山下樹木蒼然。山上不見一木。二山之間。高原坦潤。東有一山。曰綱後卷ツナゴシマキ。地多樹木。椋圍二三尺。五鬚松。圍可尺餘。積雪壓之。匍匐地上。松枝重層。有熊構巢其間。更多楊柳諸木。斬伐以爲炭薪。不可勝用也。西南有二湖。南曰藥程ツクシ。圍可二三十町。西曰別登部ベツトロボ。稍大。其間相去可一里。南湖口注海。深至腰。鮭鱒群至。土人列木水中。將簀編其間。使魚自一方入湖中。投網捕之。重不可揚。魚死。堆積水中。西湖其口狹而淺。不要網獲。持棒撲殺。須臾收獲無算。西湖

左右原隰圓亘。多野草。無樹木。土人嘗得犢牛六十于露人。放牧。其香張泊。頗稱寬廣。其北有四河。曰萌織戶津モロオリヅ。曰血合香チキカヒ。曰小岸女津コアシメヅ。曰散洲チルサ。並多鮭鱒。東北一河。曰遠折木トウセキ。多紅鱒。河旁平原多楊柳。其北有弟前灣オトノマエ。與下栖霜稻灣シモノセ相嚮。深自四尋。至十二尋。海底多沙及黏土。港南有大巖石五六。屹立。巖下潮流箭駛。北岸高峯列峙。其下原野廣坦。群峯皆含硫黃氣。紛紛衝鼻。有二河。一在北。廣一間。深一尺。清冽可飲。一在南。廣五間。深四五尺。發源于琉黃山。海水皆現琉黃色。自大巖東二里。有一礁。曰扱巢ウキヌ。船自南往者。必過此際。其深自一百二十五尺。至七十五尺。下栖島南岸。多礁且淺。故航

海者必沿幌藻後入弟前灣也。闔島沿海港汊深穩多砂石。間有斷崖嶮峭。候潮往來。地多熊狐及鷺。間有狼。航行常望熊狐遊步海岸。海岸每年必有漂至之鯨四五頭。長者十五六丈。短者七八丈。熊聚食且臥。不離其側。以至鯨盡云。間有白熊。未嘗害人。狐則赤色者居多。間有白黑二種。多海豹。間有海驢。迤南稍有海狸。魚推鮭鱒。次爲紅鱒。又有一種魚似鮭。沂河長五六尺。圍可合抱。海中有青魚。未知捕獲。其他大口魚王餘魚梭魚之類甚多。又多昆布。其餘海草如篠後郡陸多車前草。東方有鳥島。距岸約六里。數島屹立。鳥類巢焉。多海豹。有海狸。海瀆鹹淤。

後向島。在幌藻後之西四里半。東西三里。南北一里半。比雷國島稍大。懸崖千尋。亂石林立。地無樹木。無水泉。有一山巖石峨峨。南有噴烟一處。間有海豹海狸鳥類海驢成群。海底深而多石。

荒糸島。在幌藻後之西北九里弱。自南西而北東。廣六里。蒼巖森峭。虎踞雲際。迤南丘陵漸低。斗出海中。如象鼻飲江。樹木矮小。多檉白楊五葉松獸多赤狐海豹。西岸多海驢。卜栖島在幌藻之北東半里強。自南東而北西。約十五里。廣十一里。健步三日乃可一周。一望丘岡林野平坦。如滿月。東南大岬曰唐津根。西岬曰豐子津。北岬曰老馬塚。其土黑青。

成乎草木腐蝕。適耕牧。特恐野鼠與勁風。野鼠尤多。往往含
松實來。堆積禦冬。土人探得。和魚脂食之。甚美。更有熊狐。冬
間積雪至二尺餘。地面冰凍。可一尺。至五月雪消。無復冰凍
之患。夏則諸草繁滋。草實多。可餌食者。入山採之。須臾可獲
一擔。又多延胡索。虎杖。珊瑚菜。野豌豆。蒲公英。有一種蒜。曰
幾登。味臭而美。又有惠登良夫。食根。如豆而稍長。耕作馬鈴
薯。赤蘿菘。蕪菁。葱等。無不繁碩。河湖縱橫多魚。其水清冷可
飲。夏候溫暖。諸川多鮭鱒。又有紅鱒。灣岸鹹淤。多比目魚大
口魚等。昆布黑菜。稍讓篠後郡。東西兩處。間產海狸。四周多
海豹。間有海驢。東北距罕察架。不過八里。嘗有土人。拂曉發

舟。至午乃達。舟以漂木造之。不要釘。舳艫高聳。長可三四間。
北方有一湖。長二十町。廣可一町。湖邊曰子谷。湖口注海。
廣可十三間。曰別當部。其東南有一河。曰三三中。島之南端。
稍有暗礁。難行舟。有昆布。而不能知多少也。西南與幌藻後
相嚮。有河流。曰觸鞞。其北曰血間縫。其北曰後香戶津。其北
曰萌織經。一曰霜稻。西對幌藻後弟前灣。左右有暗礁。而中
央弓曲。距岸九町。深自三十五尺。至四十尺。海底皆砂礫。便
碇繫。嘗有露商一家。教堂一字云。潮則北行。汐則南行。一時
間行及三里。此間爲北海門戶。宜開港建埔焉。
千島地形狹而長。隔于東西兩海之間。非冰海也。唯海岸灣

曲。當極寒凍合耳。自正月。至四月。有冰塊流至。恐觸舟碎。盛夏氣候嘗以寒暑鍼驗之。得粒島。自六十四度。至四十三度。卜栖自五十五度。至三十度。百卉俱茁。欣欣向榮。春夏則東南多陰霧。秋冬則西北多陰霧。有時迷漫。不辨咫尺。其西岸多揚沙成崗之處。風勁故也。沿岸一帶。大木漂至堆積成丘。多落葉松。間有白楊等。鋸板燒薪。作家屋船舶。無不如意。固爲無盡藏。故西岸往往。嘗有土人住焉。守栖幌藻後已南諸島。皆多魚類。如比目魚。杜父魚。到處有之。而鮭鱒二者寥寥無幾。不如二島之多也。大人後雷國之間。海底尤多高巖。動患波流洶湧掀天。諸島沿岸多海狗。海驢。海豹。陸無熊。而多

狐與鷹鷂。土人嘗施網捕海狸。至夏則去不見蹤跡也。海狗與海狸反。唯夏日群至而已。草類可食者。曰吳伯胡。曰袁索突。曰吉那須天。曰拉吉牟。曰摸理天。摸理天併食根葉。吳伯胡海岸常有之。食根。土人衣服嘗獲海狸子。剝其皮爲衣。或服狐皮犬皮。或用鷗鷺之毛羽。犬則每家作土室養之。以牽雪車。

附錄

廣告作

東、韃、形、勢、壯、且、雄、環、我、北、西、而、北、東、雙、翼、圖、南、難、自、禁、千、島、
 第、一、當、其、衝、滿、眸、曠、漠、煙、氛、鎖、百、萬、獲、販、赤、髯、翁、安、得、冷、眼、
 附、度、外、最、恐、暴、寇、來、忽、忽、吾、為、拓、地、陳、奇、策、疾、呼、萬、衆、都、如、
 聾、更、讓、一、步、思、其、次、擬、編、偏、隊、効、孤、忠、米、鹽、漁、具、風、帆、船、其、
 價、大、約、四、千、圓、敢、告、義、人、要、恩、貸、寬、恕、追、催、至、明、年、即、有、闔、
 船、葬、魚、腹、須、將、賻、贈、當、償、還、英、靈、千、秋、無、飢、渴、何、用、酒、肉、盛、
 豆、籩、吾、儕、一、心、誓、天、日、海、若、何、物、不、恭、虔、如、今、鬢、毛、呈、半、白、
 來、時、應、變、漆、黑、顛、千、島、財、藪、無、與、比、年、年、魚、獸、山、堆、死、繫、船、

連旬網屢拋。曾無千石難得理。石金一千亦可期。五百七百
恒事耳。但有豐歉類菜穀。今年豐獲殆足恃。敵國外患豈不
虞。轉禍爲福唯在吾。自由人心難收拾。那如敵愾共勤劬。肅
慎秣鞅古吾土。縱橫萬里方物輸。發憤恢宣祖宗業。何等鈍
漢不贊呼。群蟻附羶真可厭。紛紛故向覆轍驅。勸君願轉敵
財法。藉吾一帆立壯圖。

告同人作

吾作告文在去年。擬服耕漁拓北邊。披瀝肝膽傳遠邇。志士
接踵如湧泉。不妨囊底無儲蓄。慷慨指天爭挺前。吾謁大臣
告賑貸。大臣謙讓推議員。議員滿堂悉忠蓋。言及北門殊漠

然。大義報國有何事。奔趨巨室屢求庇。某宗大人遺先業。某
館老爺慢天賜。經旬寄書陳遁辭。不啻無情却爲祟。財盡力
弊日夜馳。多慙駑駘比龍驥。豈謂舉世皆鼯睡。吾實狂愚乃
見棄。欲向青山養性真。無奈志士遠相因。天地鬼神森羅布。
誓將過航千島津。寄語世上同感輩。勿誤認我做絕倫。荒域
千里勞聖念。定有豪俊表忠純。橫斷東瀛控北陸。宇內大勢
忽一新。開門揖盜真可醜。撫古思今那堪陳。聖代畢竟公論
出。不憂千載附荒榛。山搏熊狐海魚獸。行見大邑貢獻頻。吾
亦不敢龜勉謀報効。吾力尙足負束薪。

呈副島伯

副島先生蓋世雄。大節風流表日東。優游閑地二十載。時艱
乃出督民功。狂夫聞之喜何限。欲獻一言賀遭逢。不是夤緣
求推轂。卽爲知己効微衷。先生持論虞域外。欲使四邊無寇
害。列聖勳業不可遺。明時禦侮胡得懈。滿胸韜畧思遠征。膽
烈常爲萬衆賴。妖冶媚態非所懷。簡樸却見襟抱快。先生今
日拜此官。料知決塞定多端。世誦文明果信否。父子爭權夫
婦讜。攘夷恐致目前累。鎖國須存昔日觀。茅茨頽垣祖宗志。
宜省冗吏減素餐。燕飲蕃客尙豐備。不妨舞蹈買彼歡。起臥
何慙居陋室。往來寧要跨金鞍。雜居一段衆蹙頰。恐爲碧眼
估高壇。孤注違人易蹉跌。奈何獨鬪揭旗竿。應是先生苦心

處。何必一一敢相干。東京受侮勢難避。孰與甲信奠神器。祖
宗遺訓要數都。安可敵衝長醉睡。鎮邊權輕是大患。切恐劫
盜早晚至。大島對島扼咽喉。須講漁業嚴海備。八重山與臺
灣隣。土荒人稀多遺利。勸諭土酋招隼人。貸與萬金誰其刺
北海。政要自沿河。安處流民急授地。柯太慕我殆難忘。千島
爭得附曠棄。此是先生第一任。狂夫區區敢自致。有類爲釋
氏說經。聊陳管見請明試。如今狂夫策東瀛。千島盡頭殖新
氓。經畫二年財力竭。典衣質宅纔支撐。莫若故山保先業。關
心一唱世莫廢。世人眇視如弊屣。狂夫珍重比連城。賴有先
生辱知己。披瀝肝膽煩細評。斯身許國誓天日。豈爲匱窮鳴

不平。宿昔志願在四海。欲問大鵬九萬程。意氣昂然凌前哲。自謂奇功不難成。無奈造物太輕薄。著述表見托餘生。均是明治中人物。恨無三寸舌頭輕。頑健尙足試盤錯。熱中不居常人行。先生炯眼照前路。盡拋萬金壯東征。

將赴色谷賦此廣告。

東瀛二十有餘島。中有一二欠水草。千巖壁立若列屏。巖下多獸多海藻。年年收穫比菜穀。不須成湯桑林禱。更有琉黃被滿山。難云果無連城寶。自餘諸島頗膏沃。樺橙槐楊徧嶺隅。草有欵冬長丈許。百合旱藕皆可餉。蕪菁蘿菘蓄根葉。是與麻麥長育殊。牛羊嘗既經放牧。嫩篠芳卉滿地敷。多收最

推馬鈴薯。人畜食之健體軀。五穀松實能辟穀。仙家餌食知者無。沿岸河湖暨洲渚。足畫漁場幾萬區。鮭鱒第一魴鱒次。鯨鯢海丹亦可租。陸之動物有狐鴨。剝皮蓄毛堪爲襦。最北熊狼無人害。皮厚毛深世要需。寄語志士齋錢到。不要吾儕煩指導。風帆直指色谷山。一帶航路無寇盜。結伴而進入奧地。不必春寒衝霧冒。廟堂自有綏遠圖。匹夫行事何輕躁。吾欲奧地招同人。切恐囊空難徑造。莫如姑據色谷山。耕漁得力行增竈。同人僅有若干金。未可逞快遠探尋。有金滯積却爲累。何不徙往色谷灣。色谷灣兮堆青黛。有類佳人着玉簪。雨奇晴好千萬態。恍疑直與仙人參。此際釣漁發清唱。必有

三十二
天資。愜我心。孤征。違衆。功難就。須將資本。合知音。朝出。龜窟。樊層巘。夕倚寒巖。臥重陰。此是茶飯。要嘗盡。三餘不妨爲書淫。如此數歲。家計給。乃有細君。侍彈琴。吾儕切望知音。不要交朋。遠保任。

將發京有此作

邦家大節。人人當。何須吾曹。故張皇。吾曹報告已半載。冀有豪俠。見贊襄。吾質田宅。親戚怒。吾請通財。交朋驚。吾獨何人。敢違衆。欲居寒煙寂寞鄉。國土於人。眞父母。滋育雲。仍億萬口。富貴榮華在其中。奈何容落異族手。撫古寒心。轉瞬間。定有毒矢。貫左肘。吾力既屈。志不伸。終天遺憾。咎何人。蒼猝治

裝問去路。囊空難行。低回頻。不幸中途。運命否。應遵海滋學。逐臣。誰言迂。儒好冒險。吾豈故使。役夫呻。柯太枉。冤難出口。吾嘗。歷。瞻。極。酸。辛。千島曠。棄非一日。吾抱。繾。繾。亦宿因。大會紳董。有何事。千里江山。無一議。如云孫謀。非所知。忍縱碧眼。估巨利。大族遁。辭豪士。譏使我空。有折腰媿。已矣。忠言有誰聽。坐失機會。徒遺累。寄語清貧。烈丈夫。結伴。徒住。要交孚。援絕勢孤。事或躓。勿道韋菴。果誤吾。百折不屈。男子志。妙年經驗。自崎嶇。吾感諸君。許國厚。豈將吾貧。辭與俱。千島海上魚。獸富。到處皆堪。繫釣鱸。何患一身。難生活。苦樂全在心上。殊吾爲國家。企遠畧。不是多財。約相扶。一時客氣。易萎。勸君

勿爲客氣驅。

慨言

有。益。須。拋。萬。鎰。擬。浪。費。寧。忍。絲。毫。視。峻。宇。彫。墻。銜。偉。觀。卽。是。
室。家。亂。離。始。一。寸。山。河。亦。可。虞。通。財。何。必。酒。與。妓。英。獅。露。鷺。
東。西。驅。隣。近。諸。邦。前。後。毀。非。出。九。死。得。一。生。安。保。金。甌。千。萬。
祀。柯。太。告。屈。朝。鮮。卑。寸。進。尺。退。豈。不。耻。北。海。無。田。南。海。饑。誰。
教。斯。民。遂。生。理。大。會。雖。云。公。論。議。通。觀。遠。覽。一。何。昏。京。口。難。
奈。暴。寇。迫。邊。陲。恐。爲。長。蛇。吞。盍。較。武。功。當。賭。博。以。折。敵。衝。固。
藩。垣。東。西。二。千。里。疆。域。欲。使。全。體。保。春。溫。斟酌。輕。重。屬。必。用。
乃。爲。億。兆。伸。枉。冤。域。內。安。危。自。域。外。休。言。千。載。無。邊。害。同。仇。

纔。能。一。人。心。目。下。急。務。在。出。塞。塞。下。誇。功。傲。吏。徒。苛。細。爲。政。
事。中。廢。何。如。一。舉。從。萬。人。結。伴。扶。持。健。兒。隊。久。矣。世。上。熟。醉。
眠。敵。國。外。患。附。漠。然。代。議。縱。橫。有。底。事。似。學。論。法。仔。細。研。龜。
鑑。非。無。今。古。訓。奈。何。躊。躇。不。奮。前。肅。慎。鞅。鞅。委。殊。族。環。海。吹。
漁。失。利。權。寄。語。出。納。休。過。慮。今。日。進。取。要。精。專。柿。栗。播。山。猶。
足。食。安。得。食。頃。忽。籌。邊。世。人。內。顧。求。便。地。曾。無。勇。義。爲。率。先。
勝。負。相。因。紛。爭。擾。爭。望。令。名。身。後。傳。此。際。磊。落。誓。天。日。不。妨。
中。土。有。荒。田。賄。博。祿。位。言。卑。屈。如。個。頭。願。真。可。鞭。

偶吟五首

雄心探絕海。纔要萬黃金。飛檄傳天下。無人擲一簪。

資金五十千。銳意企防邊。出納若休吝。投票費萬錢。
衆論陳巨費。減作幾千金。委曲逢人說。誰知報國心。
園廩當售賣。且問孔方兄。競糶收毫釐。何能泛大瀛。
率直兼迂濶。誤爲後進寬。成功元不易。着手豈云難。

醉中走筆二十首

空腹新知日夜依。多錢舊識往來稀。雄心不是均貧富。誰道
好爲過激販。

近日交朋絕往來。應嫌我似要分財。斯身不是求安處。勿道
徒爲食色媒。

關心不是爲斯身。一葦誰浮千島津。西境異觀東境棄。回天

事業屬何人。

甘島星羅踞斗南。山川動植萬人談。風聞不信須探訪。報國
何無一箇男。

君父元從國土生。信然國土不容輕。誰知二十有餘島。能保
子孫雲仍榮。

只說遐陬是不毛。商行漁社沒湮濤。寶藏一旦販殊族。忽見
髯奴泊萬艘。

鼎沸空言幾百名。論鋒勝負果何爭。看來全體多麻痺。曾沒
寸心關四瀛。

多錢拋得媚愚民。畢竟欲爲何樣人。千里山河販異族。誰言

聖代有功臣。
 雞狗能拋千萬緡。如何報國愛微塵。狂夫一語君三思。雪窟
 屠熊有幾人。
 權門近日屢追尋。口實百端防贖金。誰也不知邊地急。安然
 環視是何心。
 堂堂甲第若雲連。中有防邊遺訓傳。家計雖窮非吾黨。如何
 忍吝幾千圓。
 豪家創業要官捐。袖手何肯擲一錢。微力窺人難耐久。焦心
 不是着先鞭。
 不許他人畫遠謀。第言身是欠觀遊。嗟君果乏權時畧。風節

終皈第二流

欲向羣童角。收成何如絕海策。功名四隣強敵聞。風震舉世
 誰能與汝爭。
 為官痛罵庶民頑。一敗輒聲官吏姦。寵辱終身徒逐物。何如
 仙島養高閒。
 議論動緣營利遷。文章雖巧恐難傳。新聞記者多遺憾。不為
 吾儕募一錢。
 北闕上書陳大謀。人言冒險且何求。孤忠難奈天階遠。一抹
 浮雲使我愁。
 三十年來企濟時。無衣無褐耻妻兒。任他世上知音少。仰願

蒼天賦小詩

青年好讀出師文。滿腹牢騷企拔群。今日還編年少隊。全身
爽氣逐征雲。
人生癡癡保微軀。何得大言稱丈夫。咕嗶從來非我願。孤征
許國不容誣。

書慨言後

吾撰斯言費幾天。滿腔熱血瀝來鮮。勸君一字休漫讀。不是
尋常詩客篇。

讀新聞紙

近日詩人太薄情。諛言滿紙博虛榮。吾無委曲陳情語。休道

阨窮嗚不平

何人新報報幽吟。思緒纏綿難細尋。吾輩慵為脂粉態。免教
凡眼感心深。

偶吟

前知失路笑諸生。却是先生懶上程。勿道韋菴漫結客。千金
買骨為求良。

敢向強宗試一呼。誰知不是為身圖。成功有命非吾事。何必
罵罵傲市沽。

示諸生五首

雄辨堂堂理趣陳。看來實際易因循。勸君勿執奇偏說。覆轍

相因屬若人。
 苛論突口百轟雷。渾自工程未熟來。一笑任君嘗險阻。休將
 失敗附天災。
 敢向大人陳壯圖。大人傾聽一言無。誰知此態真兒戲。適使
 大人慙我愚。
 買春連夜眼花昏。傲語細行非所論。寧識高明真事業。都由
 幽獨一淵源。
 田郎客氣企奇功。自負當年屈指雄。一跌便尋巢窟去。終年
 齷齪在溝中。

○觀音臺卽事十首

種得紅櫻已十春。南枝含笑北枝顰。主翁來去多難約。無限
 芳菲付野人。
 入眼亂山雲樹幽。閑來先倚讀書樓。狂懷難舍四方事。不識
 何年賦罷休。
 九十九里大東頭。幾點風帆鑑上浮。獨立高岡時騁目。長空
 萬里暮雲收。
 桃花綴蕾李花開。蝶舞鶯歌霽景催。何幸西隣營學舍。咿唔
 聲入破窓來。
 細看終日不相猜。只有長松碧玉堆。獨酌醇醪抱膝坐。幽禽
 喚侶近窻來。

百尺長松擁宅邊。桃櫻欲笑映窗鮮。和風一陣庭除起。裊裊
 茶煙繞屋椽。
 斷岸微風拂鬢邊。杖藜人立夕陽前。幽花滿地如敷錦。百轉
 黃鸝老木巔。
 岡巒環拱檻窻前。一望如粧罩翠煙。屋角無端松籟起。滿身
 清徹欲登仙。
 茅檐斜倚翠微邊。暖日和風萬象妍。籬畔鷄啼忽飛去。立看
 樵客到門前。
 欲向東瀛買醉眠。關心俗物見拘牽。此間真耐容雙膝。勿做
 小兒貪俸錢。

友人韋庵岡本君。夙抱經世之志。於北海道之事。尤盡心
 焉。維新之初。奉職其地。致今日之治。君與有力焉。既而罷
 官。專從事文學。然胸中耿耿未灰也。所著千島聞見錄。皆
 君足跡所及。而記目擊親視者。與昔人據地圖而撰蝦夷
 志。大有逕庭。文字亦雅健。簡而盡矣。有水經注之趣。近日
 君將復赴焉。後來所為事業。必有可觀者。余企而望之。卷
 後所附詩數首。英氣勃勃。溢于行間。其志氣之壯。可驚也。

明治念五年五月四日

辱友拙軒 村山德淳 拜識

18
2
3/3

明治廿五年五月十六日印刷
同年五月十八日出版

(非賣品)

發行兼
編輯者

東京市小石川區



小日向臺町一丁目十一番地

岡本監輔


印刷者

同麴町區飯田町五丁目廿六番地

近藤圭造



18
313



18

313

023204-000-6

18-313

千島聞見録

岡本 監輔 / 編

M25

ADC-0041



